

1 Il capricorn (Capra ibex)

2 Il capricorn da las Alps è ina da pliras spezias da capricorns dal gener da las chauras
3 (Capra). El è stretgamain parent cun il capricorn sibiric (Capra sibirica) e cun il
4 capricorn siric u nubic (Capra nubiana), che tutgavan omadus pli baud cun il
5 capricorn da las Alps a la medema spezia. Il capricorn iberic (Capra pyrenaica), il
6 capricorn da l'Etiopia (Capra waliae) ed il capricorn dal Caucasus (Capra caucasica)
7 è dentant pli parents cun la chaura selvadia che cun il capricorn da las Alps.

8 Caracteristicas

9 La lunghezza dal chau plus l'entir corp dal capricorn mesiran en media 150 cm,
10 l'atezza da la spatla 90 cm. Las chauras paisan circa 40 kg; ils bucs perencunter
11 pon pasar sur 100 kg. Il buc ha cornas imposantas ch'èn stortas (lunghezza fin ad
12 1 m). La chaura ha dentant mo cornas curtas ch'èn strusch stortas. Omaduas
13 schlattainas han ina barbina. Ils bucs han la stad in pail brin stgir; il pail da las
14 chauras è pli cotschnent u brin pli clar. L'enviern vegn il pail dad omaduas
15 schlattainas grischent.

16 Spazi da viver

17 Il capricorn viva en las Alps sin autezzas tranter il cunfin dal gaud ed ils glatschers.
18 Uschia raiva el fin 3500 m sur mar. L'enviern resta el en regiuns pli bassas che la
19 stad, ma er la stad va el savens engiu per magliar sin las pastgiras alpinas. Per il
20 paus da la notg turna el dentant puspè sin ils auts.

21 Moda da viver

22 Ina muntanera da capricorns sa cumpona da diesch fin ventg chauras ed ansiels.
23 Daspera datti las muntaneras dals bucs giuvens che n'èn anc betg creschids dal tut.
24 Ils bucs vegls vivan sulets. Durant il temp da reproducziun (sin las Alps il
25 december/schaner) tschertgan ils bucs las chauras ed emprovan da controllar la
26 muntanera. Tranter bucs rivalisants datti cumbats. In buc sto almain avair sis onns
27 per avair ina schanza da gudagnar in tal cumbat e da posseder in «harem»*. Durant
28 l'enviern resta il buc tar la muntanera; la primavaira banduna el puspè quella.

29 Suentar avair purtà tschintg fin sis mais, parturescha la chaura il matg u il zercladur
30 in ansiel, darar er dus. L'ansiel sa chaminar da l'emprim di davent, el tetta dentant
31 durant in onn. In capricorn po vegnir pli vegl che ventg onns.

32 En intginas regiuns da las Alps ha la reintroducziun dals capricorns mussà che
33 quests animals han ina grond'influenza sin la cuntrada. Pervi dals capricorns
34 reintroducids ils onns 1920 è per exempel s'augmentà il process d'erosiun da las
35 spundas en il territori dal Munt da la Bês-cha e dal Piz Albris sper Puntraschigna en
36 l'Engiadin'Ota. Quai pervi dals donns chaschunads entras il zappitschim dals
37 capricorns.

38 Capricorn ed uman

39 Pli baud crajevan ins, ch'il capricorn haja forzas magicas. Quai ha gè per
40 consequenza che bunamain tut las parts utilisablas dal capricorn – davent dal sang
41 ed il pail fin ils excrements – vegnivan duvradas sco medischina cunter tut las
42 malsognas pussaivlas. Quai ha bunamain destrui la spezia en l'Europa. Al
43 cumenzament dal 19avel tschientaner era la populaziun dals capricorns sa reducida
44 a circa 100 animals en il parc naziunal Gran Paradiso en l'Italia. Il selvicultur Josef
45 Zumstein ed il scienzà da la natira Albert Girtanner han pudì persvader l'onn 1816 las
46 autoritads da proteger ils davos capricorns dal parc Gran Paradiso. L'onn 1854 ha il
47 retg da l'Italia Vittorio Emanuele II mess quels animals sut sia protecziun persunala.
48 Grazia al success da ses program da recolonisaziun da quests 100 animals restants,
49 è il capricorn oz puspè derasà en vastas parts da ses spazi da viver oriund. Tut ils
50 capricorns che vivan oz en las Alps derivan da quests 100 animals.

51 Ils emprims capricorns èn vegnids reintroducids en las Alps svizras l'onn 1911 tenor
52 in program d'elevaziun ch'è vegnì realisà en l'asil da selvaschina «Peter und Paul» a
53 Son Gagl. Entant è lur dumber sa multiplitgà a 30 000 fin 40 000 animals en l'entir
54 territori da las Alps. Oz èn ins persvadì che la spezia survivia. En Svizra vegn il
55 dumber regulà dapi l'onn 1977 tras la chatscha. En Svizra vivan per il mument circa
56 14 000 capricorns, en l'Austria circa 4400. La recolonisaziun dals capricorns da las
57 Alps vegn per regla sustegnida fermamain da la populaziun e da las vischnancas,
58 perquai ch'ils capricorns sa laschan duvrar bain per far reclama turistica per ils lieus
59 da vacanzas alpins.

* harem (lingia 27): qua gruppa da chauras

Suttascripziun candidata / candidat:

Lieu / data:

Rumantsch grischun

Puncts total: 100

Durada: 90 minutas

A. Chapientscha dal text:	25	B. Produenziun da text:	25
C. Vocabulari:	25	D. Grammatica:	25

Vegn emplenì dals magisters che curregian

Correctura	data:	visum:	puncts:
A. Chapientscha dal text			
B. Produenziun da text			
C. Vocabulari			
D. Grammatica			
puncts cuntanschids total ►			

Controlla	data:	visum:	puncts:
A. Chapientscha dal text			
B. Produenziun da text			
C. Vocabulari			
D. Grammatica			
puncts cuntanschids total ►			

Controlla posteriura	data:	visum:	puncts:
A. Chapientscha dal text			
B. Produenziun da text			
C. Vocabulari			
D. Grammatica			
puncts cuntanschids total ►			

1. Chapientscha dal text

1.1. Dumondas pertutgant il text

Respunda uschè exact sco pussaivel a las suandantas dumondas che stattan en connex cun il text che ti has legì.

Per mintga punct ston ti chattar e nudar in argument!

*Adatg! Las respostas ston vegnir formuladas cun **frases entiras!***

1. Cun tge spezias da capricorns è il capricorn da las Alps parent stretgamain?

2 p	
-----	--

2. Tge consequenzas ha già la reintroducziun dal capricorn per la natira alpina?

1 p	
-----	--

3. Per tge motiv è la spezia dal capricorn bunamain vegnida destruida en las Alps?

1 p	
-----	--

4. Quants mais vivan ils bucs creschids ensemen cun lur 'harem' da chauras?

1 p	
-----	--

--

5. Pertge cumbattan ils bucs da capricorn? Tge funcziun ha quest agir en connex cun la multiplicaziun?

2 p	
-----	--

6. Cura han ins entschet a reintroducir ils emprims capricorns en Svizra?

1 p	
-----	--

7. Pertge n'è il capricorn betg pli periclità da murir or? Numna dus arguments.

2 p	
-----	--

8. Tge ha il retg Vittorio Emanuele II fatg per spendrar il capricorn? Numna duas chaussas!

2 p	
-----	--

--

9. Numna duas ulteriuras terras sper la Svizra e l'Austria, nua ch'i dat capricorns da las Alps.

2 p	
14 p	

10. Constattan las suandantas pretensiuns tenor il text che ti has legì? Inditgescha schebain las singulas pretensiuns qua sut èn gistas u falladas.

		gist	fallà
a)	Il capricorn iberic è parent il pli stretgamain cun il capricorn da las Alps.	<input type="checkbox"/>	<input type="checkbox"/>
b)	Il capricorn n'è mai mort ora en Svizra.	<input type="checkbox"/>	<input type="checkbox"/>
c)	Ils davos capricorns da las Alps avevan survivì en l'Italia.	<input type="checkbox"/>	<input type="checkbox"/>
d)	Il capricorn e las chauras da chasa n'èn in summa betg parents.	<input type="checkbox"/>	<input type="checkbox"/>
e)	Il 19avel tschientaner èn las uniuns turisticas sa stentadas da reintrodur il capricorn en las Alps.	<input type="checkbox"/>	<input type="checkbox"/>
f)	Per durmir descenda il capricorn en regiuns pli bassas.	<input type="checkbox"/>	<input type="checkbox"/>
g)	La chaura parturescha ses ansiel suenter pli u main in mezz onn.	<input type="checkbox"/>	<input type="checkbox"/>
h)	Il retg franzos ha mess sut protecziun il capricorn.	<input type="checkbox"/>	<input type="checkbox"/>
i)	Las chauras-capricorn n'han naginas cornas.	<input type="checkbox"/>	<input type="checkbox"/>
j)	Ozendi vivan 30 000 – 40 000 capricorns en Svizra.	<input type="checkbox"/>	<input type="checkbox"/>
k)	Las chauras han in pail pli stgir ch'ìls bucs.	<input type="checkbox"/>	<input type="checkbox"/>

11 p	
------	--

Chapientscha dal text: 25 p

--

2. Producziun da text

Jau ed ils animals selvadis

Il capricorn è in animal selvadi. Raquinta dad experientschas e relaziuns che ti has cun auters animals selvadis.

- *Scriva in text cun almain **200 plets** en frsas entiras e bain formuladas!*
- *Guarda da duvrar in stgazi da plets varià e da betg repeter trasora ils medems plets!*
- *Structurescha bain il text.*
- *Metta in **agen titel** che va bain cun il text!*

Quants peds has ti duvrà? Inditgescha qua il dumber.	_____ peds
---	------------

cuntegn (max. 10 p)	
stil (max. 5 p)	
grammatica (max. 5 p)	
ortografia (max. 5 p)	
TOTAL: 25 p	

 Producziun da text 25 p	
--	--

--

3. Vocabulari

I suondan varsaquantas dumondas da vocabulari.

3.1. Sinonims

*Inditgescha mintgamai **in sinonim (mo in pled!)** per ils suandants plets ord il text, uschia ch'il text resta correct! (exempel: martgà = fiera, magher = satigl)*

1. (lingia 11) imposant _____
2. (lingia 20) paus (da la notg) _____
3. (lingia 26) cumbat _____
4. (lingia 28) muntanera _____
5. (lingia 54) territori _____

5 p	
-----	--

3.2. Antonims

*Numna mintgamai **in antonim (mo in pled!)** per ils plets inditgads. (exempel: grond ≠ pitschen, ciad ≠ vitg; **betg lubì: grond ≠ betg grond**)*

1. (lingia 12) stort _____
2. (lingia 34) augmentar _____
3. (lingia 40) utilisabel _____
4. (lingia 42) pussaivel _____
5. (lingia 43) cumenzament _____

5 p	
-----	--

--

3.3. Explicaziun da peds

Explitgescha cun frasar entiras e correctas las suandantas expressiuns che cumparan en il text.

1.	(lingia 26)	rivalisant	<hr/> <hr/> <hr/> <hr/>
2.	(lingia 36)	zappitschim	<hr/> <hr/> <hr/> <hr/>
3.	(lingia 48)	recolonisaziun	<hr/> <hr/> <hr/> <hr/>
4.	(lingia 54)	persvader	<hr/> <hr/> <hr/> <hr/>

8 p	
-----	--

--

3.4. Famiglias d'animals

Chatta per mintga animal il dretg pled per ils descendents.

Exempel: capricorns/chauras han ansiels

1. vatgas han _____
2. nursas han _____
3. chavals han _____
4. portgs han _____
5. chauns han _____
6. giats han _____

3 p	
-----	--

3.5. Modas da dir

Cumplettescha las modas da dir cun agid da las indicaziuns sutvart.

1. Glisch sco _____
2. Durmir sco _____
3. Discurrer sco _____
4. Stinà sco _____
5. Sblatg sco _____
6. Giz sco _____
7. Nair sco _____
8. (Esser) diligent sco _____
9. Spert sco _____
10. Lev sco _____
11. Cotschen sco _____
12. Viver sco _____

in crap, la signuria, in pesch, in cudesch, ina frosla, in botsch, in pez, il charvun,
ina frizza, ina furnicla, ina plima, in cuntè

4 p	
-----	--

 Vocabulari 25 p	
--	--

--

4. Grammatica

I suondan varsaquants pensums da grammatica.

4.1. Transfurmaziun da plects

*Cumplettescha la tabella cun ils plects che mancan. Scriva mintgamai **mo in plect en la largia!** (Adatg: ils particips na valan betg sco adjectiv. Exempel: duvrar – duvrà.)*

substantiv	adjectiv	verb
		mesirar
autezza		
cumbat		
introducziun		
	utilisabel	
		encleger
		gustar
cuntentientscha		

15 p	
------	--

--

4.2. Discurs direct ed indirect

Transfurma il discurs direct en il discurs indirect ed il cuntrari. Fa attenziun als segns d'interpuncziun! I sa tracta d'in discurs tranter il pitschen prinzi ed in pilot, che ha gi ina panna en il desert.

Exempel:

Il pilot manegia: "Jau sun surstà d'entupar in uman en il desert."

Il pilot manegia, ch'el saja surstà d'entupar in uman en il desert.

1. Direct: Il pitschen prinzi cumonda: "Dissegna ina nursa per mai!"

Indirect: _____

2. Direct: Il pilot respunda: "Jau na sai betg dissegnar."

Indirect: _____

3. Direct: _____

Indirect: Il pitschen prinzi insista schend che el veglia ina nursa giuvna.

4. Direct: "Es ti crudà giu da tschiel?", vul il pilot savair.

Indirect: _____

5. Direct: "Jau vegn d'in pitschen planet", explitgescha il pitschen prinzi.

Indirect: _____

5 p	
-----	--

--

4.3. Adjectivs numerals (pronoms numerals)

Cumplettescha las largias cun ils adjectivs numerals dad 1 fin 11 en la dretga furma!

Scriva ora las cifras/ils dumbbers. Agiunta l'artitgel sch'igl è necessari! Adatg:

Tschertas cifras/tscherts dumbbers dovras ti in pèr giadas, autras/auters mai.

1. La Svizra festivescha ses anniversari _____ d'avust.
2. En il tren datti per il solit _____ classas:
_____ e _____.
3. Nus ans vasain oz en in'emda, damai oz en _____ dis.
4. Fernanda ha gist anc cuntanschi il podest, ella è vegnida
_____.
5. In giugader da ballape da l'equipa naziunala sto bandunar il plaz. Ussa è la squadra mo pli en _____.
6. 60 minutas suenter las dudesch èsi _____.
7. En Svizra Centrala datti il Lag da las _____ Forestas.
8. I n'è betg in bun sentiment dad esser _____ roda dal char.
9. L'onn ha dudesch mais. Il fenadur è _____.
10. In tozzel curridras èn sa participadas a la cursa. Lea ha surpassà ina curridra en la davosa ascensiun e n'è perquai betg vegnida davosa, mabain _____ davosa, damai figurescha ella sco _____ en la rangaziun.
11. Pi baud avevan ils purs da dar _____ part da la raccolta al chastellan, ins numnava questa taglia er la dieschma.
12. In gieu da ballape ha _____ mesadads.

5 p	
-----	--



Grammatica 25 p	
------------------------	--

--